

# Vira la Carta

Seguida di Circle e Brando

Fabrizio De André  
Trad.(Genova, Alessandria)

♩ = 120 C Am F Dm

6 C Am F G C

10 C Am F G

14 C F G Em Am

19 C G F E Am E

24 F C Am G Dm Em F G Am



<https://www.youtube.com/watch?v=7pTZA-BZ2NY&t=28s>

## Test an monfrin valensan

J'é na dòna ch'la semna 'l gran  
vira la carta as ës-ciàira 'l vilan  
ël vilan ch'ël sapa la tera  
vira la carta i riva la uèra  
a la uèra j'é mia 'd soldà  
a scapineta i son tuti scapà

Angiolin-a camin-na camin-na  
con ij sò scarpètti bleu  
carabinié l'ha namorala,  
vira la carta e lu a-i é pu  
carabinié l'ha namorala,  
vira la carta e lu a-i é pu

J'é na masnà ch'a la monta 'n cancel  
la ròba ciresi e piumi d'osel  
la tira 'd preji l'ha mia 'd dolor  
vira la carta a-i é 'l fant ëd cheuri  
ël fant ëd cheuri ch'a l'é 'n feu 'd paja  
vira la carta 'l gal la sgaja

Angiolin-a ses ori 'd matin  
as antrèssa ij cavej con feuje d'ortija  
l'ha na colan-na 'd ganòj 'd persi  
la vira trei vòti an mes ai dij  
l'ha na colan-na 'd ganòj 'd persi  
la vira trei vòti an mes ai dij

## Test an parlà ëd Cher:

A-i é na fomna ch'a sëmna 'l gran  
vira la carta as ës-ciàira 'l paisan.  
Èl paisan ch'a sapa la tèra  
vira la carta, a ruva la guèra.  
An guèra a-i son pa ëd soldà  
a pé dëscauss a son tuit scapà.

Angiolin-a a marcia a marcia  
con sò scarpètti bleuvi  
carabinié a l'ha an-namorala,  
vira la carta e chèl a-i é pa  
carabinié a l'ha an-namorala,  
vira la carta e chèl a-i é pa

A-i é 'n cit ch'a monta 'n scarzaj  
a roba ciresi e dij piumi ëd gaj.  
A campa peri e a l'ha pa ëd dolor  
vira la carta a-i é 'l fant ëd cheur.  
Èl fant ëd cheur a l'é 'n feu ëd paja  
vira la carta 'l gal as dësgaja.

Angiolin-a ses ori ëd matin  
as antèrsa ij cavej con feuji d'ortija  
a l'ha na colan-a d'oss ëd pessi  
a la vira trè vòti an mes ai di  
a l'ha na colan-a d'oss ëd pessi  
a la vira trè vòti an mes ai di.

Mia mari l'ha 'n mulin e 'n fieu traditor  
a-j pocia 'l nas ant la torta 'd pom  
mia mari e 'l mulin son nassì ghignanda  
vira la carta a-i é 'n biond aviator  
biond aviator, camisi 'd sèida,  
capel ëd volp soris d'atleta

Angiolin-a setaja 'n cusin-na  
la ragia e la mangia salada 'd mori  
ël fieu frosté l'ha 'n disco d'orchestra  
ch'a 'l gira an pressa e ch'a 'l parla d'amor  
ël fieu frosté l'ha 'n disco d'orchestra  
ch'a 'l gira ch'a 'l gira ch'a 'l parla d'amor

Madama Doré l'ha perdì ses fij  
ant ël piòli dël pòrt e soe meravigie  
Madama Doré la spussa 'd gat  
vira la carta e la paga 'l riscat  
la paga 'l riscat con ël borsi dj'eucc  
pin-ni 'd fòto e 'd seugn ësvanì

Angiolin-a la taja ij giornaj  
as vestiss da sposa e la canta vitòria  
ciama ij ricòrd con ël sò nòm  
vira la carta e finiss an glòria  
la ciama ij ricòrd con ël sò nòm  
vira la carta e finiss an glòria!

Me mari a l'ha 'n mulin e 'n fieul traditor  
a-j pocia 'l nas ant la torta ëd pom.  
Me mari e 'l mulin a son nà rijend  
vira la carta a-i é 'n biond aviator.  
Biond aviator, camisi ëd seda  
capel ëd vorp, soris d'atleta.

Angiolin-a setà an cusin-a ch'a piora  
e ch'a mangia salada ëd mori  
ël fieul frusté a l'ha 'n disch d'orchestra  
ch'a gira an pressa e ch'a parla d'amor  
ël fieul frusté a l'ha 'n disch d'orchestra  
ch'a gira ch'a gira e ch'a parla d'amor.

Madama Doré a l'ha perdù ses fiji  
ant ij piòli dël pòrt e sò meravigi.  
Madama Doré a spussa ëd gat  
vira la carta e a paga 'l riscat.  
A paga 'l riscat con ij cassie dj'euj  
pien-i ëd fòto e 'd seugn svanì.

Angiolin-a a taja ij giornaj  
as vest da sposa e a canta vitòria  
a ciama ij ricòrd con sò nòm  
vira la carta e a finiss ant glòria  
a ciama ij ricòrd con sò nòm  
vira la carta e a finiss ant glòria!